

**Theologia Scholastica Secundum Viam Et Doctrinam D.
Thomæ Aquinatis, Doctoris Angelici**

In Celebri Archiepiscopali Benedictina Universitate Salisburgensi, methodo
& norma ibidem usitata publicè tradita, & in IV. Tomos digesta ; Qvorvm
Primvs Tractat De Deo Vno Et Trino, Deq[ue] Creatura Angelica ...

Mezger, Paul

Augustæ Vindelicorum, 1695

§. I. Probatur demonstrabilitas existentiæ Divinæ.

[urn:nbn:de:hbz:466:1-73455](#)

tis, abstrahendo adhuc à reali exercitio existentie, cāmque solum relinquento in esse appreheſo, quia de hoc ipso explicito conceptu Deitatis nondum habet evidentiā, quod à parte rei & exercitū ita se habeat: ideoque cūm tribuit D.E.O in apprehensione existentiam signatam, potest adhuc de ipso negare existentiam exercitam, & dicere cum insipiente: *non est DEVS*. Ubi nulla est contradic̄tio: néque enim est affirmatio & negatio ejusdem de eodem secundū idem.

10. Oppones tertio. Hac propositio, *DEVS est colendus*, seu primum principium Syndesis est per le nota *quoad nos*: ergo etiam hac inclusa: *DEVS est*. Refpon. neg. consequēt. nam illa propositio, *DEVS est colendus*, pertinet ad intellectum practicum, in quo ut sit per se nota quoad nos, sufficit quod in & per eundem intellectum practicum hac inclusa: *DEVS est* non probetur; quamvis non nisi per discutitum intellectus

speculativi, qui practico presupponitur, innoticiam venerit.

Obijec̄tus quartus. Contra rationem conclusio-
nis prima. *DEVM esse Trinum*, non est per se no-
tum quod se, & tamen Trinitas est de ratione DEI:
ergo etiam existentia sit de ratione DEI, non se-
quitur, DEUM existere esse per se notum quod
se. Respondent primò Bannez & Godoy neg.
antec. siquidem omnes tres Divina Personae ex-
istunt existentia absoluta ipsius essentie Divina, ut
habet S. D. q. 28. a. 2. Responderi potest secun-
dò. neg. conseq. & paritatem: quia esse DEI tan-
quam intrinsecè pertinens ad constitutionem Di-
vine essentie dicitur de illa in primo modo perle-
tatis ablique indigentia & admissione aliquis me-
diū virtualis: Trinitas autem Personarum praesup-
ponit virtualiter existentiam constitutam, & ex pro-
cessionibus ac relationibus Theologice proba-
tur.

ARTICULUS II.

An ēr̄ quomodo demonstrari possit DEVM esse?

S U M M A R I A.

1. Testimonia script. & PP. pro demonstrabilitate esse Divini.
 2. Evidentia effectus probat existentiam causæ prima.
 3. Fides Divina credit esse DEVM, ut anthonem gratia.
 4. Per effectus improportionatos causa demonstratur, quoad an est.
 5. Qualem cognitionem rei spiritualis possint gignere species in representando materiales.
 6. Est DEI attingitur cognitione inadequata.
 7. Non sequitur naturalis demonstrabilitas Trinitatis.
 8. Prima demonstratio ex motu.
 9. Quo sensu viventia moveantur à se?
 10. Implicit in moventibus per se subordinatis processus in infinitum.
 11. Altera demonstratio ex effectibus.
 12. Necessaria realis distinctio inter producens & productum.
 13. Prima implicatio circularis causalitatis in infinitum ex causalitate sui ipsius.
 14. Altera, quod infinitum est pertransibile.
 15. Tertia, quod nulla causa est completa & efficax.
 16. Quarta. Nulla est sufficiens ad operandum.
 17. Infinita ex accidente.
 18. Infinita ex instrumento.
 19. Infinitum finito additum non mutat pradicta essentialia.
 20. Quando nam sit diversitas inter partes distributive & collectivæ acceptas?
 21. Confirmatio ab exemplis.
 22. Tertia demonstratio ex contingentiarum creatarum.
 23. Possibilitas entis necessarii infert existentiam DEI.
 24. Quarta demonstratio ex inqualitate rerum.
 25. Quinta ex ordinatissima mundi fabrica.
 26. Varietas opinionum de invincibili ignorantia DEI.
27. Nullo casu admittendam suadet S. Script.
28. Et SS. PP.
29. Probat facillimus ascensus à Creaturis.
30. Notitia DEI pertinet ad prima principia honestatis.
31. Varia absurdia, que sequerentur ex ignorantia invincibili DEI.
32. Quid dicendum ad Americanam existentiam.

§. I.

Probatur demonstrabilitas existentie Divine.

C O N C L U S I O : *DEVM esse est à posteriori ex* ^{1.} *Creaturis evidenter demonstrabile. Ita cum S. D. comm. Catholicorum DD. Oppositum S. D. vocat manifesto falsam. q. 10. d. ver. a. 12. & i. contra gentes c. 12. erroneam.*

Probatur primo. Ex illo cap. 13. *Amaginundine enim speciei & creature cognoscibiliter poterit creator horum videri. & Rom. 1. Quod notum est DEI, manifestum est in illis, DEVS enim illis manifestavit: invisibilis enim ipsius à creatura mundi, per ea, qua facta sunt, intellectu conspicuntur, ubi verba cognoscibiliter videri, intellectu conspiciri, juxta SS. PP. interpretationem evidenter cognitionem demonstrant: nam Hier. in citatum Apostoli locum, tam evidenter, inquit, intellectu sunt, ut conspicilla dicantur. August. tr. 2. in Jo. potest inveniri per creaturam Creator evidenter, dicente Apostolo, invisibilia enim ejus &c. S. Maximus cent. 3. c. 1. conspicua creatura claram probat notriam, quod sit Creator. Et D. Anselm. notum DEI est, quod naturali ingenio scrii potest de DEO.*

Probatur secundò ratione. Quoties est evidens 2. existentia effectus, roties à posteriori est evidenter demonstrabilis existentia causa sed evidens est ex-
istentia creaturarum, seu effectuum: ergo à poste-
riori etiam est evidenter demonstrabilis existentia Creatoris, tanquam causa primæ.

Dices

Dices primò. Quod fide divina creditur, non demonstatur; sed *DEVM esse*, creditur fide divinā: ita enim Apostolus Heb. 6. *accidentem ad DEVUM credere oportet, quia est.*

Resp. *DEUM esse ut authorem gratiæ creditur fide divinā, & ita requiritur ab Apostolo, concedo. DEUM est, ut authorem naturæ, nego: sic enim ponis est p̄ambulum ad articulos fidei.*

Dices secundò. Nulla causa demonstrari potest per effectum sibi improportionatum, sed omnes effectus creati, utopt̄ finiti, sunt DEO infinito improportionati, ergo.

Resp. cum eodem S. D. hic a. 2. ad 5. distinguo maj: nulla causa perfectè & *quoad quid est* potest demonstrari per effectum improportionatum, concedo; imperfectè, & *quoad an est*, nego.

Dices tertio. Species in repræsentando materiales non possunt gignere cognitionem rei spiritualis, sed nostra species, quibus utimur in hoc vita statua, sunt in repræsentando materiales, quia sunt abstractæ à phantasmatibus: ergo non possunt gignere cognitionem DEI. Quid etiam videat afftere S. D. in hac. 1. p. q. 83. a. 2. ad ult. ubi dicit: *per similitudines rerum materialium aliquid affirmative potest cognoscere Angelis secundum rationem communem, licet non secundum rationem speciei; de DEO autem nullo modo.*

Resp. dist. maj. species in repræsentando materiales & habentes modum repræsentandi materialem, non possunt gignere cognitionem rei spiritualis, conc. habentes modum repræsentandi immateriales, nego maj. & sic distinguam minore, nego consequentiam. Rursus: Non possunt gignere cognitionem rei spiritualis perfectam, immediatam, & quidditativam, conc. imperfectam, medianam, & connotativam, *quoad an est*, nego maj. & patet distinguo consequens: ergo non possunt gignere cognitionem DEI quidditativam conc. connotativam, nego conseq.

Autoritatem Doctoris Angelici exponit Godoyus per cognosci affirmative, intelligi quidditative, & hanc statui differentiam inter DEUM & Angelos; quòd istos per species à phantasmatibus abstrahat aliquo modo quidditativè possimus cognoscere, in quantum videlicet in gradu generico convenient cum substantiis materialibus, non autem DEUM: quippe qui nec in physico, nec in loco generi convenient cum substantiis materialibus.

Dices quarto. Ubi essentia & esse nec re nec ratione differunt; ibi nulla est differentia inter cognitionem essentia & esse, inter cognitionem *quid est*, & *an est*: sed essentia & esse in DEO nec re nec ratione distinguuntur: ergo cognito esse DEI etiam cognoscitur essentia DEI; atqui hanc demonstrativa non cognoscimus: ergo nec esse DEI.

Resp. dist. maj. si attingatur cognitione quidditativa & adæquatâ, conc. maj. si inadæquatâ & connotativa repræsentante, nego maj. & sic dist. consequens: ergo quidditativè & adæquatè cognito esse DEI, cognoscitur essentia DEI, conc. inadæquatè & connotativè cognito, nego conseq.

Secundo. Ubi essentia & esse nec re nec ratione differunt, tam ex parte rei cognita, quam ex parte modi cognoscendi, conc. maj. si solum ex parte rei

cognite non differunt; benè autem in imperfecto modo cognoscendi, nego maj. sed essentia & esse in DEO nec re nec ratione differunt, ex parte rei cognita conc. ex parte modi imperfectè inadæquate cognoscendi, nego min. & consequentiam.

Dices quintò. Sequeretur, etiam naturaliter demonstrari posse Trinitatem DEI, quod tamen est contra communem. Sequela probatur. Demonstrabilitas esse Divini fundatur in dependentia effectuum creatorum à causa prima: sed etiam humana natura habet dependentiam à Trinitate Divinarum Personarum: ergo etiam naturaliter demonstrari poterit Trinitas Personarum. Minor probatur: Imago haber dependentiam à suo exemplari: sed homo est imago DEI, non tantum ut Unius, sed etiam ut Trini: ergo etiam haber dependentiam à DEO ut Trino. Minorem habet S. D. inf. q. 113. a. 5. ubi docet, *in homine esse imaginem DEI, & quantum ad Divinam naturam, & quantum ad Trinitatem Personarum.*

Resp. neg. sequel. & probat. distinguo. Demonstrabilitas esse Divini fundatur in dependentia effectuum creatorum, & ut lumine naturæ cognitâ, conc. Altiori lumine, nego. Sed etiam humana natura habet dependentiam in ratione imaginis à DEO Trino, ita ut hæc sit altiori lumine cognita, conc. merè naturali, nego min. & consequentiam.

S. II.

Prima demonstratio ex ratione primi moventis.

C O N C L U S I O. Evidenter demonstratur existentia DEI ex Philosophico principio, 8. quod quicquid movetur, ab alio movetur. Ita S. D. q. a. a. 3. Cujus sententia præter ejus Discipulos subscrunt Gronaldo, Talolus, Henric. à S. Ignat. aliique.

Probatur. Si datur motus in rerum natura, tum evidens est dari primum motorem immotum: sed evidens est dari motum: ergo evidens est dari primum motorem, quia omnia moveat ipse immotus: & hic est DEUS. Major probatur: quicquid movetur, ab alio moyetur: vel ergo devenit ad movens immotum: vel inter moventia per se subordinata datur processus in infinitum: sed ille non datur: ergo pervenientum est ad movens immotum.

Veritas hujus axiomatis in eo fundatur, quod mobile comparatur ad movens, tanquam perfectibile ad suum perfecitum, ut ab illo actum & perfectionem recipiat, quâ caret: unde moveri est reduci de potentia in actum, & motus definitur *actus entis in potentia*. Cum igitur implicerit, idem respectu ejusdem formæ simul esse in potentia & in actu, esse perfectum & perfectibile, habere & non habere formam, esse in possessione termini, & ad illum acquirendum tendere, id est etiam necesse est, id quod moveretur ad actum obtainendum, moveri ab alio habentem actum.

Neque refert, quod viventia dicantur moveri à se ipsis: hoc enim tenet, in quantum virtutes & principia motuum vitalium habent in se ipsis, sine tamen præjudicio alterius moventis & applicantis: cum enim movere & operari consequatur ad esse, id est